

目赤色者、病在心、白在肺、青在肝、黃在脾、黑在腎、黃色不可名者、病在胃中、診目痛、赤脈從上下者、太陽病、從下上者、陽明病、從外走內者、少陽病、診寒熱、赤脈上下至瞳子、見一脈一歲死、見一脈半一歲半死、見二脈二歲死、見二脈半、二歲半死、見三脈三歲死、○下略

〔史記〕扁鵲倉公列傳

扁鵲者、勃海郡鄭人也、姓秦氏、名越人、少時爲人舍長、舍客長桑君過、扁鵲獨奇

之、常謹遇之、長桑君亦知扁鵲非常人也、出入十餘年、乃呼扁鵲、私坐間、與語曰、我有禁方、年老欲傳與公、公毋泄、扁鵲曰、敬諾、乃出其懷中藥予扁鵲、飲是以上池之水、三十日當知物矣、乃悉取其禁方書盡與扁鵲、忽然不見、殆非人也、扁鵲以其言飲藥三十日、視見垣一方人、以此視病、盡見五藏癥結、特以診脈爲名耳、爲醫或在齊、或在趙、在趙者名扁鵲、

〔傷寒論〕辨脈法第一

問曰、脈有陰陽者、何謂也、答曰、凡脈大浮數動滑此名陽也、脈沈澹弱弦微此名陰也、凡陰病見陽脈者生、陽病見陰脈者死、問曰、脈有陽結陰結者、何以別之、答曰、其脈浮而數能食、不大便者此爲實名曰陽結也、期十七日當劇、其脈沈而遲、不能食、身體重、大便反艱、名曰陰結也、期十四日當劇、

〔海人藻芥〕周明○周明恐同朋誤

監寺云、人ハ平生醫師ニ近付テ、脈ヲ取ラスベシ、平脈取覺ツレバ、違例ノ

時脈又分明也、又病氣大事ナリトモ、日比令療治醫師ヲ左右ナク改之事然ベカラズ、但無雙ノ名醫師來ラバ可談合云々○中略

應永廿七庚子五月廿三日

宣守在判

〔半陶稿三〕意足軒說

聽聲而知、視色而知、診脈而後知焉、是所以醫之有上中下三品也、今也診而知者鮮矣、況求之聲色之間哉、難矣、醫乎、藤真繼、平居游扁倉之藝者也、徵余名軒、余卒書意足二字贈焉、

〔醫斷〕脈候